



**CANTON SARAJEVO
ASSEMBLY**

Broj:01-04-40137-23 /21
Sarajevo, 01.12.2021.godine

Damir Nikšić
Samostalni zastupnik u Klubu Naše Stranke

Predmet: Odgovor na zastupničko pitanje, dostavlja se;

Poštovani,

Kao odgovor na Vaše upite koje ste postavili na 44. Radnoj sjednici Skupštine Kantona Sarajevo, rukovodstvu Skupštine Kantona Sarajevo, dostavljamo slijedeći odgovor:

Vežano za Vaš upit o informisanosti Skupštine o radu pojedinih radnih tijela, odnosno o radu Komisije za mlade Kantona Sarajevo, kao radnog tijela Skupštine, ističemo da i ovo radno tijelo, daje mišljenje, podnosi prijedloge i izvještava Skupštinu o pitanjima iz svog djelokruga, odnosno donosi odluke o pitanjima u skladu sa Poslovnikom ili za koje ga ovlasti Skupština, a kako je to definisano Poslovnikom o radu Skupštine Kantona Sarajevo („Službene novine Kantona Sarajevo”, broj: 41/12 –Drugi novi prečišćeni tekst, 15/13, 47/13, 47/15, 48/16, 9/20 i 14/20). Sva radna tijela po održanim sjednicama, Izvještaje o radu dostavljaju Službi za skupštinske poslove, koja iste postavlja na web stranicu Skupštine Kantona Sarajevo. Sve skupštinske Komisije se zakazuju vežano za prethodno utvrđeni dnevni red sjednice Skupštine, odnosno u svim drugim slučajevima propisanim Poslovnikom Skupštine, dok se javnom objavom na stranici Skupštine omogućava adekvatna informisanost zastupnika, rukovodstva Skupštine, kao i svih ostalih zainteresiranih subjekata.

Kako ste nadalje zatražili informaciju u vezi koeficijenta naknade za predsjedavajuće radnih tijela, obavještavamo Vas da je isti definisan članom 9. stav 1) Zakona o plaćama i naknadama u organima vlasti u Kantonu Sarajevo („Službene novine Kantona Sarajevo”, broj:5/19) i iznosi 8,1. Shodno navedenom, proizilazi da isplata naknade za obavljanje funkcije predsjedavajućeg/predsjedavajuće radnog tijela, ne ovisi od učinka, već predstavlja zakonsku kategoriju i kao takva se primjenjuje.

Napominjemo da je Skupština Kantona Sarajevo kroz svoj rad i djelovanje, pokazala da je za zaštitu ljudskih prava i sloboda, ne samo kroz rad svih skupštinskih radnih tijela, već i kroz proaktivno djelovanje zastupnika na sjednicama i mimo njih. Zastupnici imaju i koriste mogućnost da kroz tačku dnevnog reda “Pitanja i inicijative” postavljanjem pitanja i inicijativa prema Vladi, aktivno učestvuju u rješavanju svakodnevnih životnih problema građana, na taj način štiteći ljudska prava i slobode, dok djelovanje Komisija kao radnih tijela predstavlja formalizirani način djelovanja po konkretnim aktima ili dnevnom redu sjednice, što nimalo ne umanjuje njihov značaj.



Nadalje ističemo, da su zastupnici kao članovi radnih tijela Skupštine, u mogućnosti djelovati ne samo na rad Komisije za mlade i Komisije za ljudska prava i građanske slobode, putem aktivnijeg redovnog sazivanja već da i svi ostali zastupnici kao i rukovodstvo Skupštine, mogu inicirati sazivanje tematskih sjednica Skupštine na teme iz oblasti zaštite ljudskih prava, te prava mladih, odnosno koristiti sve mogućnosti aktivnog djelovanja propisanih Poslovníkom, čime bi se doprinijelo stvaranju pozitivne slike u cjelokupnoj javnosti.

Posebno se osvrćemo na činjenicu da je Skupština Kantona Sarajevo u svom dosadašnjem radu usvojila niz akata kojima se uređuju veoma važne oblasti iz života mladih, te da su pokrenute brojne zastupničke inicijative kroz koje je poboljšán život mladih i građana Kantona Sarajevo. Stoga, smatramo da se rad Radnih tijela Skupštine treba posmatrati kroz djelokrug definisan Poslovníkom Skupštine, a samo rješavanje društvenih pitanja koja se tiču povreda interesa mladih, odnosno zaštita vitalnih građanskih interesa, u širem smislu, je obaveza i dužnost svih zastupnika, odnosno Skupštine Kantona Sarajevo u cjelini, što se kroz dosadašnji rad i praksu pokazalo uspješnim.

I na kraju, kao zapažanje na Vaše posljednje pitanje, navodimo da priritetno provođenje Ustava BiH koji garantuje građanska prava i slobode, a koje je Bosna i Hercegovina dužna direktno primijeniti, odnosno promocija građanske države, nije problematika kojom se može baviti bilo koji pojedinac, pa ni Predsjedavajući Skupštine, odnosno njeno rukovodstvo, već se radi o sveobuhvatnoj društvenoj obavezi, koje zastupnici trebaju provoditi pojedinačno i zajedničkim djelovanjem, a u skladu sa svojim ovlaštenjima datim Poslovníkom Skupštine Kantona Sarajevo, što kao rukovodstvo Skupštine svesrdno podržavamo.

PREDSJEDAVALJUĆI SKUPŠTINE
KANTONA SARAJEVO

Elvedin Okerić

Dostaviti:
1. naslovu,
2. a/a.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1

